

Муваффақиятга сабаб бўлувчи дуолар



17:40 / 13.07.2017 10451

رَبَّنَا لَبِئْسَ مَا كُنَّا فِيهِ كَانُوا يَفْقَهُونَ وَسَخَّرْنَا لِقَابَيْهِمَا هَبْلًا لِآلِ بْنِ مَرْثَدَةَ كَمَا يُنَافِقُونَ وَالَّذِينَ كَفَرُوا لِيُحِبُّوا آلَ بَنِي إِسْرَائِيلَ وَكَانُوا مُخْلِطِينَ بَيْنَ يَدَيْهِمْ وَالْغَابِقِينَ إِنَّ رَبَّكَ عَلِيمٌ حَكِيمٌ

«Роббимиз, бизга дунёда ҳам яхшилик, охиратда ҳам яхшилик бергин ва бизни олов азобидан сақлагин». (Бақара 201)

Бу дуо мусулмонларнинг дуосидир. Улар Аллоҳ таолодан икки дунёнинг яхшилигини сўрайдилар. Чунки Ислом дини икки дунёнинг ободлигига чақиради. Динсизу худосизларга ўхшаб, фақат бу дунёнинг ҳой-ҳавасини сўрамайдилар. Ёки баъзи тоифаларга ўхшаб, фақат охиратни ўйлаб, бу дунёни эсдан чиқармайдилар.

Бу дуода юксак одоб ҳам ёрқин кўриниб турибди. Сўраладиган нарсани тайин қилиб, номини айтмасдан, умумий қилиб «яхшилик» деб

айтилмоқда. «Яхшилик»нинг нималигини Аллоҳ таолонинг Ўзи яхши билади.

Имом ибн Касир: «Ушбу дуо дунёдаги барча яхшиликларни ўзида жамлаб, ёмонликларни четлатган», – деганлар.

Ибн Мурдавайх Абдуллоҳ ибн Аббос розияллоҳу анҳудан ривоят қилган ҳадисда Расулуллоҳ соллаллоҳу алайҳи васаллам:

«Байтуллоҳнинг бурчагидан ҳар ўтганимда, «Омин» деб турган фариштани кўрдим. Унинг ёнидан ўтсангиз, «Роббана атина фиддуња ҳасанатан ва фил охироти ҳасанатан ва қийна азабаннаар»ни ўқинглар», – деганлар.

Бу дуо Пайғамбаримиз Муҳаммад алайҳиссолату вассаломнинг кўп қиладиган дуолари эди.

تَنْأَنَّ كُنَّ إِهْمَ حَرَكَتُ نَدْلٍ نَمَ أَنْ لَبَّوْهُ وَأَنْ تَيْدَهُ ذِي دَعْبِ أَنْ بُولُقُ غُزْتِ الْجِ أَنْ بَرَّ
فُلْخِي الْجَلَلِ إِهْيَ فَبَيَّرَ الْجَمَّوِيْلَسَانَ الْجَمَّاجَ كُنَّ أَنْ بَرَّ بَأَهْوَلِ
دَاعِي الْمَلِ

«Роббимиз, бизни ҳидоят қилганингдан сўнг қалбларимизни оғдирмагин ва бизга Ўз ҳузурингдан раҳмат ҳадя этгин. Албатта, Сен Ўзинг кўплаб ҳадя этувчисан». (Оли Имрон, 8)

Илмда собит бўлган мўмин кишининг ҳоли шу – у ҳидоят нима эканини, унинг қандай улуғ неъматлигини жуда яхши тушунади. Шунинг учун ҳидоятни берган Аллоҳга ёлвориб, қалбини ҳақ йўлига бошловчи ҳидоятдан оғдирмаслигини ўтиниб сўрайди.

Улар Аллоҳ таолонинг «Ваҳҳоб» – кўплаб ато қилувчи Зот эканини ҳам яхши биладилар ва Унинг Ўзидан раҳмат ато қилишини сўрайдилар:

«Албатта, Сен Ўзинг кўплаб ҳадя этувчисан».

Кўплаб ҳибалар ато қилувчисан.

Улар ўз Роббларининг бир кун келиб, барча халойиқни жамлаб, ҳисоб-китоб қилишини ҳам яхши биладилар ва шунинг учун У Зотга бу ҳақда қуйидагича ёлворадилар:

«Роббимиз, албатта, Сен одамларни ҳақида ҳеч шубҳа йўқ Кунда йиғувчисан. Албатта, Аллоҳ ваъдага хилоф қилмас». (Оли Имрон, 9)

«Ҳақида ҳеч шубҳа йўқ Кун» – қиёмат кунидир. Аллоҳ таоло ўша кунда барча одамларни жамлаб, сўроқ-саволга тутиб, амалига яраша жазо ёки мукофот беришини ваъда қилган. Мўмин бандалар бу ишнинг албатта бўлишига қаттиқ ишонадилар. Чунки Аллоҳ ваъдасига хилоф қилмайди.

**اُوهُوقَفِي يَنْسَلْ نَمَّ ءَدُقْعُ لِحَاوِي رَمَّ اِيْل رَسَيَوِي وَيَرْدَصْ اِيْل حَرْشَابِرَلْ اِق
يَلْوَقْ**

«Роббим, менинг кўксимни кенг қил. «ТМенинг ишимни осон қил. Тилимдаги тугунни ечгин. Сўзимни англасинлар». (Тоҳо, 2528)

Чунки Аллоҳ ишини осон қилмаса, инсон ҳеч нарсага эриша олмайди. Инсоннинг ўзига қўйиб берилса, нима ҳам қила олар эди у?! Фақат Аллоҳ таоло ёрдам бериб, ишини осон этган одамгина бирор нарса қила олиши мумкин.

**كُلْ صَفْ نَمَّ كُلْ اَسَاوْ اِكْتَرْدُقْبْ كُرْدُقْتَسَاوْ اِكْمَلْعَبْ كُرِيْحَتْ سَايْنِ اِمُّهَلْ اِ
بِوُيْغَلْ اِمَّ اَلْعَتْنَاوْ اِمْلَعَا اَلْوُ مَلْعَتْ وُرْدُقَا اَلْوُرْدُقْت كَنْ اِفْ اِمِيْطْعَلْ اِ
ءَبْقَاوْ يَشَاعَمَوِي نِيْدِيْ فِ يَلْ رِيْحْ رَمَّ اَلْ اَدَهْ نَا اِمْلَعَت تَنْ كُنْ اِمُّهَلْ اِ
يَلْ كِرَابُّ مَثْ يَلْ رَسَيَوِي وَيَلْ رُدُقَا فِ - وِلْجَاوْ يَرْمَّ اِلْجَاوْ اِقْ وَا - يَرْمَّ اِ
ءَبْقَاوْ يَشَاعَمَوِي نِيْدِيْ فِ يَلْ رَشْ رَمَّ اَلْ اَدَهْ نَا اِمْلَعَت تَنْ كُنْ اِوْ اِيْ فِ
رُدُقَاوْ اِنْعَ يَنْفِرْصَاوْ يَنْعُ هُفْرُصَا فِ - وِلْجَاوْ يَرْمَّ اِلْجَاوْ اِقْ وَا - يَرْمَّ اِ
يَنْصُرَّ اِمُّ مَثْ نَا كُنْ تِيْحْ رِيْحَلْ اِيْل**

«Аллоҳим! Албатта, мен Сендан илминг ила истихора[1] қиламан. Сенинг қудратинг ила қудрат сўрайман. Сенинг улуғ фазлингдан сўрайман. Чунки Сен қодирсан, мен қодир эмасман. Сен билурсан, мен билмасман. Сен ғайбларни ниҳоятда билувчи Зотсан. Аллоҳим! Агар ушбу иш менга динимда, ҳаётимда ва ишимнинг оқибатида (охиратимда) [ёки «ҳозирги ишимдаю келгусида» дедилар] яхши эканини билсанг, уни менга тақдир қилгин, менга осон қилгин, сўнгра уни мен учун баракали қилгин. Агар ушбу иш мен учун динимда, ҳаётимда ва ишимнинг оқибатида (охиратимда) [ёки «ҳозирги ишимдаю келгусида» дедилар] ёмон эканини билсанг, уни мендан буриб юбор, мени ундан буриб юбор. Ва менга қаерда бўлса ҳам яхшилиқни тақдир қил. Сўнгра мени унга рози қил». (Бухорий, Абу Довуд, Термизий, Насоий)

[1] Истихора - «хайр(яхшилиқ)ни талаб қилиш» деган маънони англатади.

